

上

程



盛此公集序

南陵
徐氏



古今才思倜儻曾襟洒落為字
內賢豪炳燦青史使懷古探奇
之士得咀吸菁華慨想夙者為聲
氣應合者代不乏人惟是才而盲
與盲而實才屈指從古蓋不多得

盲史眇壻非其倫也余生平好尚
別有奇癖自構家難旅食近三
十年西抵玉門南歷蛟川洞庭彭
蠡嵩華恒岱靡不之跡遍焉其
所接交者非清新俊逸之才即悲
歌慨慷之士然而衷曲若有未足

者何歟蓋以古人三寸舌在可以
雄視一時况其烟之雙眸綜古今
之遺編攬山川之秀麗者乎則
余所接交非不景之慕之歌之咏
之而好尚之癖或不在是天啓酉
戌間余仲弟揚托跡鹿城為余陳

說曾於瑞屏顧師座中見張元
長先生盲四十年矣談笑談諧令
人絕倒督理酒政應節令拍朋
儕無不盡歡種梅數百株扁其
亭曰梅花自稱為梅花主人著有
元長先生文集先生諱大復緣

余有西域之行未得一親矣焉
此亦一奇盲也戊辰之歲余再
過秦淮流連不去者十有餘載白
下名流惟與張彥先先生往來
最密每為余稱述皖桐觀我吳
先生寸品先生諱應賓少年登

第讀書天祿石渠之間未幾而盲
林下三十餘年閉門謝客惟令好
友莊誦逸文秘史以為愉快時
有著作即令友人繕寫世所傳
觀我先生文集皆盲後成之年
此又一奇盲也余近撫八閩兵革

之餘偶與觀察元亮周君揚乾
古今奇此二盲以為癖好之所
寄元亮乃出南陵盲叟盛此公
集以示余讀既竟見其懷抱縱橫
沈致冷寂文辭歌咏皆獨出心
裁而不入近今時流之想擅吳

楚之騷雅負燕趙之骨氣名士
風流此公有焉余乃拍案大叫以
為又得一奇盲矣因謂元亮曰
此公有此手口骨性雖盲也庸何
傷獨歎蔡靜原取士不廢盲生周
元亮締交不棄盲友一於生前
而錄其軼才一於死後而表其
遺行以視人世之拘成格數輕
薄者何啻霄壤不覺捩腕太
息以為亦猶行古之道也是
為序

時

順治五年重陽後八日

遼海佟國冑題於撫署東
偏之來鶴樓



南陵盛此公遺稿序

南陵徐乃昌
校勘經籍記

士君子取友豈不當自慎哉得數賢人不
足匡勦不逮得一不肖生平行誼胥失之
故非確然能辨人之涇渭則不如閉戶不
與人見然天下無塊然獨處之人勢不能
不出而與人見也士君子處此難矣哉南
陵盛此公家故不貲先世有義穀屋以內

多藏書屋以外多良田此公十數齡卽能
讀等身書有嚴邑里長肆力爲古文詞雖
不中有司尺度而嚴稱藉甚然是時此公
但知閉戶讀書固不出與人見也會其尊
人捐館舍乃伉俠好交邑里人才智咸出
此公下此公乃以爲無足語去而之秣陵
秣陵四達之衢薰與蕪雜處焉此公欲盡

交東南士東南士亦願交此公此公以爲
世且亂吾當慷慨言當世事彼經生何足
語會求其人於屠狗間于是益散金解客
志旣廣交遂日雜因爲廣陵兒所詒是時
羽檄急廣陵兒諷此公出家貲備公家緩
急此公故慷慨欲言當世事乃爲所中久
之事卒不濟而金垂盡嗒然與世無所合

休養身 月 二
退而返里閤里閤又嗤笑之此公益不復
事事產益落所爲文益不合有司尺度佗
係無聊多飲酒與婦人近不數年而此公
病矣少瘡右臂詘申不已若指遂不詘申
此公故工書丐其書者以左濡墨納右指
竅中見者以爲苦顧其書則益工時爲人
據石擘窠書好爲詩酒後嗚嗚吟不已問

至秣陵遴制舉莠行之非其志也歲在辛
朱予自大梁來秣陵省 家大人 家大
人好此公詩語亮曰此間有盛此公工爲
詩兒識之亮因以父命交此公此公獨異
予以爲恨不十載前識明年此公目病數
明晦或不能視予竊憂之諷其勿讀書飲
酒此公曰如是則不如其遂盲也會目病

甚又念其母老乃別予歸意愴然若不復
與予見者予私以爲予當復見之意以其
盲而止耳孰意遂不復見耶比歸吾師靜
原相公方督學江以北耳其名詢之郡大
失罷大夫以盲告公曰江以上其不盲者
何限固當問其賢不賢不當問其盲不盲
也于是邑乃盲試之旅諸士進于罷大夫

罷大夫復盲試之旅諸士進于公公大奇
之乃得補博士弟子員嗟夫此公盲矣猶
不忘視屈其二十年銳往之氣頽而與邑
之黃口兒扶掖躑躅旅進旅退爭有司堦
前盈尺之地而不慚豈不悲哉豈不悲哉
試後猶寄語予曰盲兒無以慰老親子母
嗚予爲悲動者久之因慨失取士之法過

嚴士卽負竒材抱異質魁竒特起不俛首
就有司尺度他途無繇進又慨夫吾師靜
原相公能于成格之中破例待人使旣盲
之士猶得出而就有司尺度且不惜堦岸
盈尺地與盲士媿媿不休嗟夫此固昌黎
代張太常望之當世而不得者今得之于
公豈不甚盛舉哉又明年癸酉予自秣陵

返大梁聞此公以目久不愈愈憤激家益
窘乏愈憤激則火益炎上家窘乏則何從
得醫藥于是遂長盲矣然嗚嗚吟如往昔
丐其書者以筆濡墨納右指竅中如其不
盲時此公以手捫幅鬼起鶻落神采視不
盲時有加環觀者自愧其雙眸炯炯也益
好讀書危坐繩床聽他人誦更番不令休

入耳輒記憶不遺有所撰述口授友人滔
滔汨汨凡數人不能供筆札常以書寄予
大梁至數千言言子當不長貧賤他日擁
節江上取道南陵魁湖之北旄源之南予
墓在焉子當登我堂拜我老母爲我書石
曰盛此公埋骨處子願足矣他則子之事
也予何言予得其書忽忽如失者數日知
此公將不永矣不數月凶聞果至予乃爲
位哭之復飯僧於相國寺爲之祈冥福會
予成進士官山左不能卽至秣陵比至秣
陵復以事阻

新朝定鼎予待罪邗江欲買舟省盛母會亂
甚又不果行乃使掾往慰盛母掾歸爲予
言盛母年且七旬妻倍孝謹故無子一女

先盛沒僅一老僕樵以供兩孀婦糠豆不
贍短褐不完敗屋數楹不蔽風雨行道見
之咨嗟而爲之友者吊唁闕然嗟夫天乎
孰使此公而至此極耶予解橐金復促椽
往贖其田之易與族人者佐盛母饋粥市
石檄南陵大令聶君碑其墓予自書盛此
公埋骨處從其生嘗請也吾師蝶菴陳公
時守宛陵公在大梁益常聞予數言此公
不置云邑固公屬公乃檄令視盛母無恙
手書盛此公讀書處爲額懸其常危坐繩
床側復允予請以其行誼補羈乘其讀書
之屋蓋已受直期以盛母存沒不能待盛
妻也予歸其直祀此公于中俾其僕世守
之此公好爲古文詞盲而死無子弟爲之

收拾故多散亂其所著如毛詩名物考三十卷休菴雜抄十卷曆法二卷輿地考十卷羣書攷索十二卷今槩不傳予遣掾就其家抄遺書盛母泣而官曰兒著書咸爲人取去惟存詩若干卷老年人坐則懸之肘卧則枕之老年人不卽填溝壑者憐吾兒并數寸之書亦不傳耳今且托之周君子授而泣因爲之次第壽之梓嗟夫此公能文章而不以文顯好彎弓馳騎而不以將名行誼不愧古人而不以行徵工爲詩而不以詩辟黃金旣盡日徙憤激退而自悔又以盲死筦箠未吉嗣續中絕老母寡妻形影相吊生平故舊不爲存問遺書狼籍行誼莫傳徒存此數卷之詩懸命于七

十餘年母氏之手使不知此公者讀其詩
以爲其才且盡于此而知者因其已然想
其未然咨嗟太息不能已已嗟夫孰使此
公而至此極耶夫士旣不能塊然獨處則
不得不出而與人交及與人交不受其益
徒爲所損如此此雖其不慎交游所致然
孰非天哉孰非天哉天愛庸流俾之長守
富貴少爲姱節竒行者必陰摧折之從來
久矣予又何憾于廣陵兒哉此公名于斯
初名錢大江南北所傳盛鏗侯卽其人也
順治五年歲在戊子浚儀周亮工元亮氏
題於樵川之詩話樓



盛此公休菴集原序

往余今春穀得三梁生益比之三珠樹云非一齒最
後而余知之最先每相見輒爲余言盛此公盛此公
余既私識之久之寄我甘陵歌一童竒峭雄渾望而
知爲韻士讀其詩亟想見其人而又素以見長吏爲
耻不得一望見顏色私念當吾世而得此人不能爲
此公下仲舉一榻亦何貴生南州之鄉而不能踵南
州之遺事可媿也尋聞其讀書休庵意便欲欣然往

從居無何而以天譴去當吾世而得此人當吾世而
竟失此人又可憾也舟發蕪江非一過余舟中言別
因出此公所爲詩若文屬余余受而藏之是時輜車
載途草土殘魂奄奄待盡哭泣少間取而奉之案頭
展誦數首旁睨之者不曉擗誦之餘何以忽然頤解
然生趣終絕卽今集中高文亮節綺語巧心爾時亦
都不復省踰數日而渡彭蠡之瀦覺千頃濤聲若洶
洶撼几席而來踰數日而望匡廬之峰覺萬層雲氣
若簌簌窺簾櫳而入又踰數日而涉龍沙經錢柱過
帝子之閣覺雲中鷄犬依稀無恙而往所爲落霞秋
水膾炙于詞人遊子之口者倏爽然而失其麗藻是
何說也舟行閱月迺抵余里問物華天寶張雷而後
若滅若沒者幾千百年而紫氣隱隱若從余帆際上
入牛斗里中之人驚而相告不知者相與豔稱之以
爲所得竒珍異瑤盡在是知者相與詬詈之以爲子
欲爲廉吏也而所得若是光恠矚天是殆不可爲也

余曰余不幸以憂歸失官不失人共啓篋視之囊無一物竟篋中之藏得休菴影語七卷向所謂光恠矚天而生蠡水之波開廬嶽之雲凌九霄羽人之翰而奪千古才人之魄者其斯物也與其斯物也與余昨歲有廣陵之遊取道蕪陰除夕前二日非一顧余蕭寺中爲余言此公輒軻不遇狀初以文爲諸生試不利旋棄去思欲枕戈塞上以自見又不利乃退而窮愁著書爲之咨嗟大息者久之余曰是不然遇不遇

時也藉令此公遇矣文而遇遇不過通鳳池之籍武而遇遇不過標麟閣之勲于此公何吝焉夫文稱屈賈武稱衛霍斯二者止此矣衛霍在當日非擁麾幢樹旗幟行間無以自効非此公不能所不爲也古今才莫屈賈若彼其文采翩翩聲施至今讀屈賈之文者不必惜屈賈之不遇遇不遇一時沒則已焉宜此公之爲此不爲彼也酒罷欬歔復爲余言此公近况淒苦旣無伯道之兒又失中郎之女兼有目青幾于

失明余曰又不然造物妬才此公幸而以目當之不
爾恐有竊此公之彩筆而耍此公之繡腸者是更可
慮也又况乎宇宙之大吾所不欲見者多于吾所欲
見咄咄此公人世之面目其求免于不憎者幾人哉
雖有雙眸炯炯亦安用之此公曰天地無我下足處
余曰天地無此公寓目處請以是言慰之千載而下
有不知讀此公之書與夫讀而不知其竒以爲有異
于左丘明之所論著是真無目者也

癸酉人日豫章甘文奎大弢父書于普濟蘭若



盛此公休菴集原序

積學齋徐乃昌感書

曹孟德云予非四目两口異哉故肯以愛女嫁丁儀
惜也儀多一目繇斯而談蒼頡不足贅矣此公少年
時學劍不成去學書未幾而閉目不觀豈此世界青
白都無用處此公不屈凝眸耶周元亮攜其休菴集
示余情文搖曳不啻秋波撩人安所取三寸六分穿
五色衣者乃真正此公瞳神乎敬日月指天地即謂
此公具千手千眼也可吾友任元本博學妙詩文以

坐隱名通國而目與此公同余嘗有詩贈之云曹劉
沈謝吾何敢摸索憑君在暗中雖戲語乎恐肉眼反
失之今吾入蜀攜此公詩往示任君不寂寞矣然元
亮私爲吾言此公之目益得之流眇橫流輩審如是
勝丁椽多多許持以媢曹公將不復信五官中郎將也

戊寅冬日蜀人陳周政蝶菴氏題于大梁之遙

連堂

陳記周政

辛未會

休菴前集

南陵 盛於斯此公 著

豫章 甘文奎大發

浚儀 周亮工元亮 訂

武林 洪秉銓玉衡

賦

弔芙蓉賦 有引

余先人嘗種芙蓉數十本每巖霜宵降薄露

朝濡時一把酒相看便覺寒
允照眼予病廢
以來花益零落
乙亥春偶得一本種之軒址
扶疎蒼鬱後忽遭摧折
余不禁心痛爰作此
以記之嗚呼殷仲文之枯槐于焉已矣
孔北海之弱柳奈之何哉
與隣取恨于哀梨
微子與歌于麥秀
英雄之所同病
小子亦復何言

其詞曰

朱明在御兮眾芳亭亭
仰承雨露兮枝幹蓊蓊
含元

氣以待命兮各寶其生
吸沆瀣以固蒂兮中函精英
移三山之佳卉兮泪沒紅塵
分白榆之珍蘖兮種之
水濱揖琅玕以爲侶
結若木以爲隣
恥入沉香之隊
羞陪金谷之尊
厭桃李之萎謝
薄松楸之輪囷
當群卉之搖落
稟孤貞以自明
寒光照兮煙月白
冷豔發
兮玉壺冰迎素蛾于貝闕
招青女于疎林
依稀乎陽臺之夢
恍惚乎姑射之人
朝暎升而摘藻
夜氣息而存神
龍文異物兮庶可襲君之佳號
秋江何地兮乃

敢○屈○君○之○高○軒○。文○君○之○慧○眼○。今○其○心○作○面○鼻○卿○之○俊○
骨○。今○曲○意○爲○城○。入○文○房○而○養○紙○綉○帳○。額○以○潛○形○。別○殿○
焚○香○。漢○帝○銅○龍○之○衛○。瓊○林○勝○事○。李○郎○鏡○下○之○名○。俯○蜀○
宮○而○躑○躅○。望○九○疑○之○嶒○嶸○。願○言○自○愛○。今○繼○黃○花○而○競○
秀○。何○圖○。中○道○。今○同○薜○蘿○之○飄○零○。蘭○摧○玉○折○。霧○散○煙○凝○
掩○啼○痕○而○去○國○。抱○別○恨○以○辭○君○。玄○雲○慘○兮○晝○晦○。玉○露○
降○兮○夜○冷○。香○埋○黃○壤○。魄○化○青○燐○。怨○蘅○蕪○之○灰○冷○。恨○棧○
閣○之○淋○鈴○。豈○修○眉○之○見○妬○。抑○我○生○之○不○辰○。噫○嘻○乎○歌○

殘○半○闕○。月○晏○不○盈○。燈○餘○數○燭○。酒○停○半○醺○。佳○人○薄○命○。上○
帝○不○情○。夫○何○離○乎○。蒲○柳○復○奚○德○于○靈○椿○。噫○嘻○乎○鉛○華○
非○長○御○之○物○。風○月○乃○薤○露○之○日○。天○路○匪○遙○。尋○散○花○之○
舊○伴○。塵○勞○暫○脫○。訪○種○藥○之○新○盟○。煉○金○芝○而○作○飯○。折○琪○
樹○而○爲○薪○。或○東○臨○于○大○海○。或○西○照○于○崑○崙○。或○雙○林○而○
容○膝○。或○貝○葉○而○書○經○。聊○一○靈○之○自○在○。任○三○光○之○浮○沉○
不○知○晦○朔○。焉○問○古○今○。亂○日○珠○櫺○。玉○匣○今○委○荆○榛○。銅○駝○
玉○勒○。今○起○愁○雲○。風○瀟○瀟○。寒○兮○白○楊○。坟○耕○奴○牧○。豎○以○樵○

蘇其間兮落日黃昏石麟偃卧兮狐兔縱橫青青蔓
草兮亦誰辨豐碑之姓名我將殮風吸露兮以全其
真方壺圓嶠可以託根兮吾將從此而超輪寄言朝
菌兮不須爲我賦招魂

滂雨賦

嗟五行之敗氣宣天一之滂威歲鎮失次義馭掩暉
箕畢躔兮彌旬泱月商羊躍兮廢耨妨機河湟決而
若駛溟渤翻而猶驟滂沱晝晦霏霽夜圍銅雀屏息

石燕亂飛震妖蛟而啼恠鵲舞罔象而禿支祁人水
宿而同驚砌緣苔而爲衣園蔬生蛭巢鳥告饑林木
掩色庭花不菲當此時也城郭改狀山岳易形菌生
拱斗稊長窓櫺如醜如病不令不寧失華山之寐泣
棧閣之鈴疾首每懷于鍊石志喜無勞于構亭公子
王孫駕扁舟兮企企村樵田父倚蓬蓽兮矜踈疑天
度之舛錯怨龜策之失靈乃有杞憂先生以告棟焚
處士曰子知之乎五緯忒已兩曜侵已下民昏墊宇

作春集
四
送通守
宙陸沉既陽德之不穀宜陰祲之日深吁嗟乎不聞
其咨之傲予聊歌鴟鴞之卒章以寫我心

秋雨賦

時夜將半遠夢纔醒風方張兮瑟瑟燈欲燼兮熒熒
客愁不寐側耳而聽初蕭蕭而簌簌倏淅淅而泠泠
既驚濤之泝泝恍官車之駟駟於馬彈我戶敲我櫺
漬我屋濕我屏沃我以金莖之乳媚我以巫山之靈
况復銅龍不啓金門夜扃朱顏將變玉華欲星哀王
孫之獨宿似笑我盛子之伶仃

思賦

若有人兮當日午之融融步蒼蘚之小徑俯雕闌而
自憐對青天而飲恨非夢非醒非愁非病時顧影而
有言試呼名而不應吁嗟乎此君胡爲而然哉幸爲
予執花神而問訊

古體

萃三章二章章十句一章章十六句

休者集
卷一
五
送通堂亦松
萃彼南山有鬱其極。駢彼晨風有迅其疾。念我懷人。有抑其息。夢寐庶幾。翩翩來卽。尚寐無賊。笑言悒悒。明明日月爰照伊室。昭昭牛女爰窺其跡。嗟我懷人。風淒露浥。尚慎見之。徘徊憇息。毋止不詹。俾予於焉。維昔之盟。盟之如飴。維今之思。思之如薺。無饑無渴。眷言願兮。人亦有言。或廷或欺。心乎爰矣。惟日望之。望之不已。爰卜爰著。維鬼實靈。有如其期。

野田有黃雀行

野田有黃雀。飛上叢莽林。叢莽無好影。黃雀無好音。黃雀集叢莽。悽然淚沾襟。鸞鳳旣已渺。斥鷃豈知心。我行無所適。還歸花之陰。花枝忽零落。風雨類相侵。我聞有丹丘。琪樹高且深。下有浮丘公。手把綠玉琴。琴心甫三疊。聞之舞不禁。飛向華表樹。一歌黃雀吟。

自憐

有人贈我龍紋劍。勸我從今分兩段。那知情斷魂亦飛。願化青天雙羽翰。有人贈我黃金玦。勸我從今相

訣別那知人別淚亦枯宵燐盡是相思血

冬抄得信

爲憶江南人寸心欲成灰當日萍分茂陵路到今雪
滿襄王臺朱顏易凋落白日行相催玉釵嬾不試寶
鏡羞自開嗟彼一水間乃知隔蓬萊我欲駕黃鵠顧
爾燕雀猜忽逢驛使到寄我江南梅手札宛如昨封
識猶新裁跪折讀數字悲風從天來一行兩行讀未
盡於焉慘淡聲哀哀讀罷再回讀哽咽如春雷丈許
一片地淚痕生青苔儂不惜合惟被儂不惜相思杯
只圖化作兩蝴蝶雙雙飛上鴛鴦堆

無題

勸君莫惜嬌癡花此花容易委泥沙縱令百計留春
色終是隨風過別家勸君莫惜玲瓏月月色盈盈最
超忽星沉斗轉五更時露華河影半明滅

擬古別離送友

吁嗟聚散何匆匆送君歸兮花茫茫溶溶淡月照顏

色一枝紅杏。插春風。攪瑜羞。捲紅錦。冷絃索。不奏金屏空。婉轉各無言。寸心已相同。一朝兩分去。征袖沾啼紅。何以贈新別。柳色青龍葱。何以慰夙好。玉環珠玲瓏。諸物非至寶。聊云紀相逢。紀相逢。頃爾如夢中。燭灰冷。盡思無窮。吁嗟聚散何匆匆。

種蘭效柏梁體

天青日膩心桓桓。融融不惜東風寒。有客有客停征鞍。遺儂九畹長珊珊。種之柴窰青玉盤。傷倚三尺珊瑚竿。淮南文石縈蟠蟠。間中古苔如青紈。手汲湘波清溽溽。疎疎密密香作團。馥馥鬱鬱枝相攢。丹心吸露猶未乾。氣味直出青雲端。湘魂楚魄真可餐。啜入肺腑芳漫漫。嗟嗟奴隸沉與檀。凌晨拂曙常相看。護惜不忍教摧殘。聊寫數莖留所歡。

龍挂圖

黑雲捲雨西風急。亂掣金蛇飛霹靂。連山推拍闐闐而若失。高閣去天不盈尺。倏有一物中天矯而縱橫。

散其霖兮以濟四海之蒼生○吾將挾之以冲舉兮謁帝君而遨遊乎太清○

戲作鞭歌送友人小試

昔有羽衣人○贈我竹節鞭○云是五金之精氣○可以挺日月而鞭雲烟○地軸可撼天閔可擷鬼神怒○踰雷駢填常有紫光不計尺○乃直逼于通明之座前○噫嘻此物果有靈不獨羣仙散吏相叱咤而驚避○卽上帝亦依稀有畏心焉○我今逋棄無所用○以此贈若以大戰于斗牛之邊○勅巨靈爲前部○驅庚申庚辰爲中堅○密令豐隆列缺而張左右之翼○使翊聖佑聖掛冠軍印以當先○神龍天矯而出沒○恍同蠖蟻之蜿蜒○攝崑崙於螺甲○納溟渤于毫端○奎章星布壘壁珠聯○一呼則三辰就舍○一吸則二曜中天○咲彼魚麗鶴鶴○嗟此衝衡率然○破旄頭天狗之呌呌○掃欃槍枉矢之漫延○吾弟若從容談咲以收寧一之效○爾時當從隨化自在以開筵○

九如篇

崑崙之巔有天柱。雲氣上與天相摩。有人振衣一長
嘯。聲震八紘。搖山河。束玄圖于白衛。挂赤幘于青蘿。
揖叔卿而遊北陸。邀羨門而涉東阿。飲三三之酒。令
歌將子之歌。煉烏肝于素女。吸鬼髓于黃婆。俯孟門
之湍激。滄溟而直下。今折折其如帶。瞻泰山之突兀。
率律而橫亘。今若鏡中之修蛾。川紆迴而冥冥。今接
陽侯之波。日月雙懸。其炯炯兮。照帝闕之嵯峨。旁有
干霄拂雲之蒼松。古柏如虬如龍。如鸞如鳳之飛騰。
而變化兮。葆天地之太和。中有輦道貫南山。而通紫
極。今時聽鏘鏘之鳴珂。朱幡絳節。倏隱約而天矯。今
其將去蓬瀛之雲。那青青子衿兮。素絲五紵。駉駉搖
搖。以現光兮。碩人在考槃之邁。山有嵐兮。江有沱。麟
之趾兮。龍之梭。青雲之路兮。碧雲之窩。廣寒有青葱
之叢。桂兮。羅羅而佗佗。紫綬拂拂。其委蛇兮。側弁之
俄玄。端白髮而軒渠兮。舞影婆娑。百福百祿之是適。

今九安足多如幾如式今奈若何

採蓮曲

舉棹擊清波兩兩花叢去折取並頭紅寄向秦淮路

其二

蕩舟本楚女學得唱吳歌一曲復一曲香風簇錦波

其三

郎家住橫塘儂家住江曲同盪採蓮船旋作新粧束

其四

晴空映畫船避暑垂楊下試語隣舟姑採蓮可盈把

五言古

寄情

羅羅園中花啞啞枝頭鴉盈盈鏡中淚灑向牕上紗
天風落叢桂霜月下平沙此際憶懷人懷人天一涯
離別不足惜所恨老歲華薄命不足數零落徒自嗟
獨宿卷羅幃羅幃臨風斜落葉奏歸鴈鷺鷥雜斷笳
此際憶懷人懷人非天涯却在枕頭底相看淚如麻

鷄鳴月落時恍惚歸隣家耿耿說不出曙色青林遮
誰能將此意遠寄到三巴

猶子偉生病

昔爾一江隔遠如天之涯昔爾半年別悵然勞相思
今爾將永訣我生獨何爲爾母年十六守爾遺腹嗣
爾昔兩刲股留得萱花枝爾今病不起竟無刲股兒
爾有老母在爾欲將安之爾當哀無常緩爾數歲期
待爾母死後爾死胡云遲節孝兩無益修悖皆虛詞
吁嗟蒼蒼天亦復何無知爾死我不見淒淒霜風吹
鴻鴈叫四野聞之心傷悲寒花空照眼美酒空盈卮
遺書空在御龍劍空陸離倘從此相別相逢當何時
吁嗟天地間難容我與伊

聞過雁

清霜下庭樹明月照羅幃獨立對叢菊謾聲歌採薇
悲風自西來孤鴈從南飛哀鳴苦嗷嗷四海將安歸
蘆花浸烟水冷色何霏微昔也渡盧龍群鴈相依依

何者集
中道各星散事與初心違前年過瀟湘菰茨香且肥
今年過瀟湘沙石難療饑長夜不得寐凄然想朝暉
葵○傾○弗○見○春○終○屬○雲○與○泥○願○影○復○願○影○仰○天○空○歔○歔

送友還金陵

把臂未云久遽爾生離憂扁舟送君去正值楚江秋
楚江渺無際風雨夜悠悠願言一相見毋作兩地留

七夕廿一韻

秋風動清商白日飛海燕邗邗珊瑚枝若耶芙蓉面

兒女採蓮歸瓜果遙相奠中庭明月前笑語穿紅線
穿罷下階行流螢撲團扇嗟嗟別有人不語頻含嚙
月色捲朱簾露華濕羅茜銀床梧葉疎玉砌海棠顫
搔首向青天秋河明于練無復鵲橋橫還餘廣寒殿
嗟嗟咫尺間經年一相見張碩何渺茫上作神仙眷
尤憐私語時哽咽相畱戀一閉馬嵬關金環泣紅綰
誰收碧玉鈿枉贈黃金釧銷沉鸞翠衾冷落胭脂片
天上隔人間相逢等飛電嗟嗟月落時蟋蟀鳴深院

明朝黃葉飛○可惜風光變○祇爲薄倖郎○到處貪權便○
無個說相思○淚傍菱花濺○

七言古

怨情

冰○蚕○絲○索○紅○牙○拍○飛○上○花○粘○歌○一○闕○一○歌○十○萬○錦○纏○
頭○片○片○香○分○鷄○子○舌○傳○香○依○翠○是○當○家○不○信○人○間○有○
離○別○那○知○月○缺○花○易○殘○笑○舞○光○陰○如○電○掣○一○朝○風○雨○
事○長○征○可○憐○粉○碎○了○香○結○

有所思

若○有○人○兮○芙○蓉○裳○金○縷○帶○今○珊○瑚○鑲○研○綾○半○臂○襯○紫○
綺○荳○蔻○渾○脫○茱○萸○褶○髻○橫○一○梭○紅○瑪○瑙○袖○垂○三○尺○珠○
郎○當○對○之○非○蘭○亦○非○蕩○清○風○細○細○生○真○香○更○有○箇○中○
極○都○逸○盈○盈○一○剪○層○波○急○如○醉○如○痴○真○愛○惜○依○依○無○
那○海○棠○濕○昔○人○噓○氣○可○成○蘭○此○君○翻○嫌○蘭○不○及○最○憐○
薄○醉○籠○晴○霞○羞○却○不○成○橫○也○斜○低○低○半○曲○相○思○調○絕○
勝○人○間○解○語○花○

冬日平康篇

長安市上如霜月。南國佳人光耀雪。十千買笑不辭貧。桃花叱撥黃金勒。搗琴搗鼓炙銀笙。般涉高平都按節。吳歌楚些顫不成。猶抱琵琶歌一闋。簾影晃輕盈。燭華乍明滅。急霰雜嬌娥。嚴風戰檐鉄。爐燒蒲刺水。沉丁炭炙梅花鷄。子舌詩催羯鼓奏。珠霏令下牙籤飛。玉屑舞袖約。卽當鈎痕香。蹀躞堂開小小綠。雲叢帶扣真真金。鳳結紅粧死盡鸚鵡才。朱顏半老鴛鴦穴。遲明花譜押離鈐。斜註一行腸斷別。雜語總支吾。青衫空哽咽。西園公子奈何情。蝦蟆陵上青青血。

怨情

春山處處聞啼鳩。又是行人江上別。江頭柳色亦多情。絲絲綰作同心結。文鴛水上陣初離。芳草萋萋路轉迷。路入蘼蕪驚別怨。春歸芍藥贈相思。蘼蕪芍藥珊瑚色。片片飛來皆染血。馬蹄獨自向長干。誰憐淪落天涯客。征衣消盡舊啼痕。夜對孤燈晝掩門。分明

似○今○番○真○落○莫○吁○嗟○款○段○下○澤○車○交○情○便○爾○成○高○閣○
乘○車○戴○笠○事○如○何○輕○薄○紛○紛○若○個○多○不○緣○妾○命○輕○於○
葉○獨○惜○郎○情○等○逝○波○郎○情○妾○命○都○休○怨○管○鮑○何○曾○再○
相○見○鬼○亦○柳○榆○妾○命○輕○如○今○妾○面○羞○郎○面○淒○淒○無○地○
寄○相○思○花○下○青○苔○花○上○枝○笑○語○十○分○惟○會○意○願○分○一○
分○下○雲○泥○

送春

綠○陰○深○啼○黃○栗○鴛○紅○花○白○花○開○芳○洲○與○君○此○時○初○離○
別○差○差○碧○水○江○南○流○江○南○流○波○千○萬○折○江○南○雲○山○千○
萬○疊○送○君○何○處○是○君○家○年○年○歲○歲○江○南○陌○陌○上○香○塵○
雜○落○花○鶯○鶯○燕○燕○受○風○斜○誰○家○少○婦○牽○珠○箔○何○處○王○
孫○散○柳○衙○王○孫○少○婦○爭○遊○冶○選○伎○徵○歌○出○原○野○七○香○
車○鬪○五○花○駝○醉○汗○微○沾○香○汗○溷○遲○遲○車○馬○各○西○東○粉○
蝶○朱○門○映○碧○空○綠○柳○已○環○蘇○小○墓○青○山○空○鎖○館○娃○宮○
杯○中○美○酒○珊○瑚○色○疑○是○淚○痕○吞○不○得○從○容○且○共○祝○東○

何者集
卷一
風莫遣鏡中生白髮。白髮催人特地忙。歌鍾在懸餘
空堂。送君臨行日將暮。北邙松柏烟微茫。五侯七貴
同飛電。不及首陽山一丘。千秋萬歲醉春光。花作圍
牆香作岸。不須惆悵更淒其。一度花開一見伊。魂隨
曉夢成蝴蝶。魄向朝烟化子規。消魂橋上三更月。隨
泪碑前兩行墨。君如過此莫躊躇。仰視皇天與白日。

五言律

元夜集遽亭

尊酒翻金灑。華燈散彩霞。春回馳馬埒。香逐鬪風車。
寶月千門曉。芳蘭九畹花。霓裳歌一曲。羯鼓莫停撾。
友人舉孝廉郎君以是月賦泮贈之

皎皎雲中鶴。昂昂千里駒。香傳三秀草。腹笥五車書。
紫詔求龍德。丹山起鳳雛。文章好聲價。千古重南都。
歸自南陵卧病聽雨

病骨愁梅暑。羈人奈寂寥。啼鶯欺客夢。山雨鬪江潮。
茶熟和香嚙。雲低到樹消。悠然身與世。徹夜聽芭蕉。

其二

漠漠烟涵水。昏昏淚濕衣。天低茆屋黑。病劇故人違。
草滿空階綠。簾閒乳燕歸。他年風雨夜。誰復檢孤幃。

其三

竹密鳴泉細。窓虛蛛網生。布袍支病骨。暗雨送流螢。
屋漏當書案。徽痕滿敝裯。平明望湖水。不盡古今情。

湖上雨霽

遠樹依山沒。浮雲貼水飛。蒹汀晒漁網。花霧膩羅衣。

客散鴛鴦穩。溪閑菡萏肥。滄洲如見許。我即欲東歸。

寄友

把臂河梁路。愁爲落葉分。此歸空有淚。遠古若爲情。
賭酒催寒氣。臨風倚暮雲。園林蕭瑟裏。落木舞繽紛。

聞蟬

別夢朦朧裏。新蟬奏遠聲。水平汾上路。音阻洛陽城。
小婦悲新別。離人憶遠征。今宵明月裡。愁絕故園情。

却邀

一室倚荒邨。無交懶出門。蕭條飛燕寵。寂寞漢王恩。
玉樹紅絀冷。金刀紫氣昏。可憐陳後主。璧月賦招魂。

江北歸寄友

彈鋏走風塵。田光是舊隣。我爲天下士。誰作有心人。
性癖非耽恠。囊空不認貧。凌虛一長嘯。雲鳥最相親。

紀夢

冷露淅零星。花關倚畫屏。香情啼燭泪。媚語咽簷鈴。
近况千年鶴。浮生一葉萍。清魂招不得。愁影吊離形。

雪晴見月憶家園梅花

風歇雪猶嚴。梅花應犯檐。疎痕侵紙幕。冷魄照雲龕。
瘦影愁時頽。心香醉裡拈。孤山三百樹。何處捲朱簾。

夢友

此別既云久。連宵入夢頻。開尊倚水閣。捲幔對江津。
傾緒皆離索。關心是故人。何當生羽翼。頃爾一相親。

送友赴白門

有弟承恩寵。初封定遠侯。劍光千丈雪。別淚五湖秋。

意氣知誰是。文章獨我休。前途有知己。好作少年遊。
送僧汎海禮大士

彼岍君先到。風波我自禁。真香諸佛印。海月碧天心。
去錫雲帆杳。歸鸞花雨深。願將塵土事。一問海潮音。
聞雨聲簌簌。文若曰。非雨聲也。乃桐花落蕉上。
耳。遂口占四韻。命文若書嫩綠枝頭。

蕉葉翻羅幌。桐花作雨聲。新蟬咽深樹。濁酒動離情。
冰簟湘紋膩。爐烟百和清。齋居一趺坐。身世任浮萍。

輓友

顛墨神猶在。魂遊去不回。知非金虎迫。端是玉樓開。
惜也生前我。嗟哉劫後灰。升沉同一盡。黃葉掩青苔。

楓橋夜泊

夢回千里外。戍柝近三更。雨泣天涯路。風悲故國情。
迷花寒舊約。結客滯歸程。却憶金陵道。波聲徹夜明。

送客

噓噓鴈行亂。迢迢關塞長。梅痕侵祖帳。柳影送牙樯。

休庵集 卷一
別路依雲棧。離尊對夕陽。不勝知己恨。惆悵泪淋浪。

梅花下

盈盈一水隔。淡淡數枝斜。弄影生疑蝶。憐人欲傍紗。
香魂深帶月。凍骨淺籠沙。春色洵知己。先過處士家。

女夫董文若從粵西龍州再過休菴

三載留西粵。孤身歷百蠻。啼猿愁落日。野鬼嘯空山。
劍剩流星鉄。弓餘明月彎。尊前莫悲咽。猶幸得生還。

寄友

惜也詩中扇。蕭然一葛巾。猴冠空咲楚。貂敝枉干秦。
有泪還供哭。無交莫悵貧。乾坤生我輩。豈爲百年身。

七言律

送友

湖海風流舊有名。匣中金錯吼龍聲。離亭月曙朝煙。
紫客路天高。劍氣清寂寂。寒雲迷落葉。悠悠別夢遶。
江城關山笛。裡西風淚滿目。烟波無限情。

無題

伊春集
卷一
廿
蓬蓬堂詩
鷺翠叢中十五年經過偏受阿麼憐青青柳色橋邊
路漠漠桃花樹下烟化石尚留金鳳結銷魂常在翠
蟬鈿黃姑自有臨河約不駕人間雜別船

臬磯吊先王夫人用魏浣初韻

洞庭秋水海門波波上琳宮卽錦窩白帝祠邊青障
合錦官城上綠雲摩三分舊恨春風盡一丘歸心秋
雨多劍氣睨消亾國淚年年空薦玉山禾

其二

拳石中流破碧波漢家官闕舊行窩香銷翠被千行
泪字碌殘碑幾度摩月冷馬當歸夢斷潮平牛渚近
愁多芳魂若向成都過太液池頭已種禾

寄徐少府

浙水天高劍氣賒垂楊驕沫紫騮羈芙蓉闕下題仙
籙瀟瀟灘頭認筆花高士南州真合拍石麟天上舊
當家憑空極目登臨處少府文章作彩霞

寄張學博

三○吳○春○煖○弄○晴○霞○繁○李○天○桃○樹○樹○花○紫○氣○干○霄○知○寶
劍○黃○河○泛○海○倒○仙○槎○十○年○宰○相○嵩○山○寺○千○里○尊○鱸○內
翰○家○珍○重○文○章○好○聲○價○風○流○應○爾○有○籠○紗○

送友備兵黔中

時賊犯荆湘

中○原○羽○檄○正○紛○紛○簇○擁○弓○刀○送○使○君○莫○遣○奴○窺○巴○子
國○須○教○膽○破○岳○家○軍○夜○即○天○外○看○明○月○新○婦○磯○頭○泣
暮○雲○我○欲○酬○恩○寄○雙○劍○天○長○地○濶○眼○前○分○

寄友

十○年○磨○劍○亦○何○爲○夢○到○邊○城○愧○健○兒○有○分○素○書○空○化
石○無○情○青○鬢○欲○成○絲○牛○衣○搵○泪○迷○離○恨○鷄○肋○垂○涎○老
大○癡○暫○把○兩○鄉○腸○斷○事○梅○花○寄○與○數○行○啼○

寄友

春○風○一○榻○坐○無○緣○拍○案○狂○呼○欲○問○天○夢○到○戰○場○悲○鉅
鹿○文○成○縹○帙○愧○秋○蟬○輸○他○薄○命○鴛○鴦○譜○悞○我○虛○名○書
画○船○自○是○葵○心○傾○未○已○依○依○南○望○想○經○筵○

坐雪寄友

竹君集
送友
匝地形雲接大荒。芒鞋竹杖過溪堂。梅花瘦上官粧。
額雪霰高登處士床。萬里孤臣聽郭索。一林飛鳥學
迷藏。浮生厭殺紅塵苦。畢竟銀臺歲月長。

送友

霜落吳江塞。鴈高西風行。李樹蕭蕭十年病。骨愁岐
路。一片歸心折大刀。半嶺暮煙迷落日。幾村漁火帶
寒潮。相思不及楓橋月。猶向金閨炤寂寥。

坐雪休菴次袁石公韻

凍合清溪竹裡扉。酒威端不勝風威。亂雲滌墨連天
暗。斷鴈迷沙貼地飛。夜靜最嫌香影瘦。僧寒也自叩
門稀。梅花帳裡逍遙夢。隴上今宵歸不歸。

集休庵尋梅

舍下陰巖春到遲。南窓先放兩三枝。故人玄灞騎驢
日。正是孤山放鶴時。草色飛青春似禱。柳條弄影媚
於絲。天涯兄弟尊前酒。剪燭敲詩醉似泥。

雨中喜居石和尚見過

紙窓竹屋雪飛飛。綠酒花瓷蠻蟹肥。柳浪漱雲迷釣艇。松濤拍枕掩柴扉。六時消却千聲佛。一領遮寒百衲衣。茶熟扣門有僧到。梅花滿袖暗香圍。

冬盡得友人入濡湏消息

歲歲寒梅對故人。細談離索細論文。春風江縣先驚柳。遊子芝山尚卧雲。去國敝裘猶落落。回鄉征鴈已紛紛。孤窮似我無知己。那得春來不念君。

余園夕照

西風吹冷白楊愁。影入崦嵫急暝流。遼海謾留華表鶴。青門誰問種瓜侯。雲深鼓角三更淚。露濕梧桐一夜秋。日暮不須還繫馬。明朝載酒又重遊。

五言排律

中秋夜同客聯句

桂影壓虛檐。開牕放玉蟬。寒光臨絕域。淡魄入疎簾。盛夜靜森天。籟更長積漏。籤姮娥開寶匣。織女弄霜縑。客戍婦悲刀甲。征夫想鏡奩。水雲凝復散。爐火斷

還添

盛

蕭索秋聲細。淒涼蛩韻漸。

客

金閨空自老。玉

杵爲誰拈。

盛

緱氏山頭見。蕭郎臺上瞻。

客

露寒添淚

落風急報更嚴。酒向愁中醒。書從病裡淹。

盛

斑姬歸

扇面張尹畫眉尖。

客

塞北江南共新愁。舊恨兼

盛

關

河勞夢寐。閨閣費筮占。

客

桂月初爲約。瓜期竟不詹。

應須奮龍劍。甚勿老魚鹽。

盛

雪夜哭金冶王兼寄友

雲凍北風急。酒疎寒作威。聯床想諸弟。彈劍憶分違。

影入梅花瘦。光搖竹葉肥。牛衣留鶴夢。鴈陣度金微。

滴淚歌黃竹。裁詩吊玉妃。淒其千里隔。潦倒一身非。

何當憑驛使。迢遞寄歔歔。

五言絕

歸來

歸來寒影在。蕭索何誰論。惆悵風塵事。雨痕間泪痕。

石城懷古

淒月臨寒水。荒山繞故宮。六朝塵土跡。霜葉泣秋風。

秋憶河上人

衾薄難安夢情慵怕著冠寄君秋夜雨和泪一簾寒
七日過木天君談事

柳色當年路尊前舊日人草堂書寄去湖上又逢春

百舌

柳外海棠陰啁啁傷切心銷魂不堪聽一半是吳音

書偉生侄墓碑

生○纔○三○十○三○死○當○九○月○九○霜○月○照○孤○墳○西○風○白○楊○吼

送客

春光來紫陌送客臨長堤願逐雕梁燕社前還一歸

坐寶桂堂懷舊

萬里人還在三秋花又開莫將今夜月猶認鬱孤臺

秋日村居

寂寂八九月寥寥四五家西風捲黃葉無樹可棲鴉

春風恨

奇書空在床寶劍空在房一字一寸鐵淚痕珊瑚光

其二

有親親已老。短鬢霜皎皎。昔人寸草心。我竟無寸草。
自君之出矣。

其二

自君之出矣。花落委青苔。不復嬌珠翠。何心理鏡臺。
自君之出矣。竝蒂結蓮房。欲折歸粧閣。蓮絲若個長。

其三

自君之出矣。天上會雙星。憶昔初嫁時。乞巧來中庭。
其四

自君之出矣。飛雪生嚴威。獨寢冷如鉄。正從關塞歸。
七言絕

送客之江州

征馬蕭蕭入楚鄉。寒風隻鴈影茫茫。琵琶亭上休相憶。暮雨長江祇斷腸。

閨怨

休休鴛帳自蕭條。辜負鶯花度寂寥。分得不須憐命。

何○春○集○上○卷
薄○水○沉○香○冷○茜○衣○油

其二

阿○儂○與○君○只○隔○溪○君○家○東○畔○阿○儂○西○逢○人○怕○說○溪○東○
路○草○色○青○青○綠○樹○低

其三

雙○蛾○油○盡○碧○羅○殷○蘭○麝○猶○聞○衣○帶○閒○殺○鳳○簫○羞○不○
按○清○宵○拭○淚○看○刀○環

其四

焦○瘦○茱○萸○小○帶○圍○瑣○窓○依○舊○杏○花○飛○交○河○客○去○香○無○
主○夢○裡○曾○經○幾○度○歸

贈僧

石○上○三○生○舊○有○緣○獨○慚○蹤○跡○類○癯○仙○紅○塵○未○死○英○雄○
骨○猶○自○風○波○泛○鐵○船

落花怨

金○鈴○聲○斷○曙○燿○輕○一○夜○封○姨○嫁○玉○英○香○鼻○可○憐○飄○泊○
去○海○棠○枝○上○泣○流○鶯

其二

斤斤風前著。泪飛帶煙帶霧。泊羅衣。何當先化。憑空蝶。偷得新香一瓣歸。

狹斜家

夢入晴窓。酒。鼻。香。玉。琴。鏡。板。紫。雲。襜。歌。殘。紅。豆。翻。惆。悵。鶯。粟。花。前。枉。斷。腸。

杼婦

不惜飛花。透竹床。獨憐明月照流黃。何當剪作合歡。

被寄我。交河薄倖郎。

小桃源懷人

殘雪纔消。柳。迳。斜。淒。其。一。望。盡。天。涯。生。平。舊。客。皆。零。落。剩。有。窓。前。郁。李。花。

木樨花

澄湖薄暮。浸紅霞。楊柳深深。是若家。醉醒綠窓明月。落滿庭零落木樨花。

有別

伊春集 卷一
碧玉峯頭月欲低。無端絡緯向人啼。歸舟夜夜相思。夢爲逐西風過虎溪。

其二

隙月悲風繞畫屏。幽寬寂寂露泠泠。平康妙舞今誰主。自此梁州夢裡聽。

其三

金縷歌殘宿酒寒。夜深並倚玉闌干。憑卿別去秋江冷。璧月長淮枕上看。

中秋夜

朱亭紅樹憶離君。翠帶鴛衾兩處分。炯炯中宵人不寐。可憐空炤合歡裙。

分韵得琵琶行

蕭瑟秋江風露酸。鷗鷗絃獨抱月中彈。寄言休撥金都拍。司馬青衫濕未乾。

丽人

湘裙軟蹠翻綃褶。獨向亂紅深處立。倚闌細聽語不

何者集
明一簾疎雨海棠泣

其二

晴○空○蕩○颺○鬱○金○裙○蘇○合○清○香○繞○碧○雲○一○自○水○晶○簾○下○
見○花○開○花○落○憶○湘○君○

有期

相○逢○避○逅○臨○溪○水○密○約○後○期○還○到○此○沙○昏○煙○暝○不○見○
人○子○規○飛○入○海○棠○裡○

十三夜有感

臂○有○檀○痕○袖○有○香○水○雲○山○雨○雨○茫○茫○盈○盈○冷○浸○天○如○
洗○憶○聽○梁○州○淚○萬○行○

月夜有懷

檢○書○燒○燭○漏○聲○長○每○讀○靈○文○祇○自○商○想○到○玉○香○齋○畔○
月○也○應○今○夜○白○於○霜○

懷人

雪○色○風○聲○聽○有○無○圍○爐○曾○共○倒○金○壺○于○今○已○自○成○長○
別○遮○莫○芙○蓉○冷○歆○酥○

楊花

春盡江南草木菲○漫天榆莢簇香圍○他情未肯同輕○
薄○一自沾泥便不飛○

其二

搏風逐浪滾香塵○三月隋堤欲暮春○不是愛隨流水○
去○桃花源裡有通津○

寄別

風零酒釀雪初飛○錦作穉瑜香作圍○一醉已忘塵世○
事○鴈聲嚶嚶下漁磯○

殘梅

風雪柴門溪上村○和香和影伴黃昏○到來如豆青青○
子○何處能招白玉魂○

雨夜有懷

新開草色綠含烟○香燼燈殘祗自憐○誰是別來腸斷○
意○杜鵑花上雨洵洵○

寄客

一驥驕嘶冀北空。臨風汗血氣何雄。男兒應有芙蓉
在。奪取龍標轉盼中。

怨情

望斷天孫錦自裁。天邊青鳥竟空回。可憐一合相思
血。化作寒爐五夜灰。

七夕懷人

涼侵枕簟漸無情。不會雙星百感生。想到扁舟分手
處。滿庭風雨盡秋聲。

宿清福山房

秋聲到枕月如霜。鐘漏沉沉夜正長。一榻依然塵土
跡。莫將心事問漁郎。

別人遊中都

寂寂平林起暮烟。芙蓉劍倚白雲邊。臨岐不下鄉關
淚。飲恨吞聲祇自憐。

其二

平生意氣重吳鉤。况復分攜事浪遊。日暮亂烟紅葉

伊○者○身○
裡○江○南○江○北○總○悠○悠○

其三

西○風○蕭○瑟○碧○襦○寒○淚○盡○相○看○去○任○難○他○日○月○明○霜○白○
夜○夢○魂○應○自○渡○江○關○

其四

幾○褶○征○衣○血○作○斑○孤○舟○愁○過○望○夫○山○長○江○渺○渺○相○思○
處○淚○滴○芙○蓉○花○上○乾○

雨中雙鳥分飛

對○對○飛○來○錦○翼○齊○死○央○塚○上○樹○淒○淒○飄○飄○任○取○風○和○
雨○死○也○還○同○一○處○棲○

秋齋十咏

昔○駱○義○烏○有○秋○思○杜○少○陵○有○秋○興○李○青○蓮○復○
以○秋○爲○快○心○嗟○夫○雨○一○也○爲○琉○璃○爲○窟○宅○爲○
珍○羞○爲○劍○戟○膿○血○雨○非○異○趣○而○目○緣○頓○殊○况○
夫○金○馬○銅○龍○荒○烟○斷○霧○翠○華○羽○葆○暮○靄○辰○星○
長○信○昭○陽○玉○瓶○金○屋○笳○角○與○琵琶○竝○奏○紅○井○

與青塚同消。柳且成異路之升沉。願安得悲
適而一致。甲子秋杪。習靜湖干。細雨如塵。輕
雲若夢。淒其萬態。寂寞百憂。漫卽彼眼前。以
寫儂心上。江湖魏關。何日忘之。

秋雲

各禁題字

淡抹斜飛。四面垂脫。風紅葉益淒。其憐君羞似人情
薄。却傍襄王夢雨時。

秋月

處關山微骨寒。昭陽殿裡獨成懽。非緣命薄難分
照。消瘦從來不奈看。

秋山

曾緣恩寵。拂雙蛾。寵歇恩移。只霎那。三十六陵霜降
後。九疑何處隔湘波。

秋水

輕波一林楚江清也。泛香濤出涓城。自悔錯傳紅葉
信。年光流盡六官情。

秋花

漢闕琵琶淚未乾。沉香亭上夢魂安。阿奴命薄紅顏
妬。開遍西郊自在寒。

秋樹

淺紫輕黃倚暮霞。爛熳深處宿啼鴉。煙林冷露如寒
食。分得天家剪綵花。

秋草

霜飛南浦倩光消。野燒原頭舊六朝。珠玑玉堦清暑
閣。桂香猶在碧蕭蕭。

秋鳥

啾啾嘈雜滿庭霜。三鼓襲襲冷夢長。如許上林偏不
借。一枝愁絕井桐黃。

秋雨

一點殘燈若曙星。蕭蕭瑟瑟冷難聽。長生殿裡憑闌
日。何似淋淋棧道鈴。

秋露

芭蕉滴滴鶴頻驚。淡月盈盈已四更。仙掌侍臣爭渴病。長歌一曲葬田橫。

無題

支離蘇晉近持齋。不爲楊家碧玉釵。魂到欲銷終是死。可憐辜負茜紅鞋。

其二

殘燈半滅醉微醒。送別嚴城已戴星。再四去來頻囑付。秋風期到唄餘亭。

其三

密語臨岐酸復悲。雨聲催動綠楊枝。如今又是秋三月。梧子香清稻熟時。

其四

王昌十六髮初長。碧玉搔頭蘭茁香。却恨不除閨閣氣。研綾裙袂繡鴛鴦。

其五

芳草萋萋細雨飛。亂和香雪撲征衣。瀕行猶自低低

物類集
說明日同郎一路歸

其六

冰○蚕○絲○索○鐵○梨○槽○曲○盡○霓○裳○振○翠○濤○不○但○一○鈎○腸○斷○
極○猶○憐○親○手○劈○胡○桃○

別友

征○帆○捲○盡○楚○江○長○冷○雨○寒○風○祇○自○傷○每○到○別○離○無○滴○
淚○劍○光○飛○落○滿○林○霜○

春時憶甲子歲此日會客

垂○條○已○綻○鬱○金○黃○十○里○紅○亭○官○道○長○曾○是○送○郎○從○此○
去○征○衣○留○得○一○痕○香○

有懷集唐

與○君○相○見○郎○相○親○沅○水○悠○悠○湘○水○深○把○酒○看○花○想○諸○
弟○天○涯○一○望○泪○沾○巾○

其二

知○君○書○記○本○翩翩○十○九○人○中○最○少○年○為○報○故○人○憔悴○
盡○如○今○重○說○恨○綿○綿○

其三

天涯去住各沾巾。遙想風流第一人。醉把玉鞭雲外指。岸傍桃李爲誰春。

經叙別處

一榻離亭柳色邊。相思如夢雨如煙。蘼蕪瘦盡王孫去。不是傷心亦可憐。

河干叙別

萬柳參差罨碧枝。相看龍劍欲分攜。秋風已到三生石。冷露淒淒是後期。

七夕有懷

萬里橋邊水急流。鴛鴦樓上月如鉤。紅塵隔斷銀河路。人在暮雲天盡頭。

懷河畔納涼處

木橋西畔紫菱香。一剪晴波萬樹楊。知得行吟風露下。月明猶帶砒羅光。

書紅葉

紅樹淒其夾大堤。鴈聲嚶嚶雨絲絲。相思一字千行淚。知到君邊是幾時。

其二

芙蓉映水柳藏鴉。寂寞秋光到宋家。寄取半痕紅蠟淚。隨風吹去一行斜。

有懷耳集唐

錦瑟無端五十絃。客心何事轉淒然。象中不敢分明語。願作鴛鴦不羨仙。

有贈

驪珠片片落輕綃。一段風流影自描。花牒又添腸斷譜。菱歌無主度良宵。

其二

送君南浦草萋萋。曲奏長清日又西。誰惜東風可憐意。爲留春色小蘇堤。

舟行卽事

吳宮烟柳綠絲輕。欲作同心結未成。一葉扁舟紅雨

岸小蘇無限意中情

過瀨水吊浣紗女

父恨兄仇道路難。間關誰賜一壺餐。娥眉別有憐才眼。一死清波萬古寒。

義興道中阻雨有懷

梨雲影下小橋邊。雨濕桃花滿畫船。短夢不成湖水濶。沈即多病倩誰憐。

舟中社日泊絳桃下夢人

春光逼社已平分。燈下風流夢裡雲。幔卷月明香欲醉。泪花滴滴石榴裙。

采蓮曲

柳外鳴榔西復東。晴粧豔質舊相逢。凌波無數鴛鴦鳥。莫折他家並蒂紅。

休菴八咏

栢

余先人塚上有利栢一株。先人之手澤也。從

鍾及頂參差錯亂漸次而上不假揉束儼一
塔也每板援憑吊不勝風木之感云

御史臺前金翠枝霜烏棲穩亞雲低見家姓字慳題
鴈慚愧摩空栢雀離

桂

正寢之前有屋數椽庭表餘隙地方六丈種
金桂八本每本約四五榦枝攢條簇遂成一
屏余先人因命堂曰寶桂園曰赭園

一林金粟月華清露濕香竟嬌不成自是江南當月
戶醉醒猶聽白鸞聲

梅

休菴之西竹圃之外老梅半枯半折橫出數
新枝依依蘸水每開時嫩香媚人但恨雜竹
支離無一榻坐席地常相聚首意此君別具
鉄心石腸不許穢骨領略耶

泠泠傲骨遠風塵逗出天香逼洛神翠羽嘈嘈清夢

覺龍鐘雙袖一痕春

竹

休菴之陽先君時蓄篔簹滿千個大皆合拱
自戊申年徙居縣郭爲傍舍侵漁殆盡龍孫
鳳雛猷猷不振乙丑余復治其地種數十竿
浸浸然有生意向來參天拂雲者庶當再見
哉

新筍香時正落花養成雛鳳數竿斜微風度盡琅玕
曲影入晴窗護翠紗

蘿薜

寶桂堂之左畔舊青芬軒之故址也軒既廢
而故堵之陰生野藤數百纏莽四布如網罟
墻屋都遍不復露瓦其葉冬夏一致花細而
白香如茉莉余因命之爲香薜蘿

離披紫蘂犯簷垂翠作圍墻香作籬每到開時頻佞
佛相隨薜荔獻軍持

芙蓉

俱餘亭之西種芙蓉五本小蘇堤亦種數本
樹頗蒼鬱當眾芳寥落時此君猶含媚
每冷露濕薰葭微霜侵鼓角集二三知已
月底相看真覺清標襲骨

淡暈疎痕別有神嬌啼淚粉漬羅巾沉香亭北如相
詔妬殺當年楊太真

芭蕉

先君性忌枯澁凡庭除及園圃之隙地悉種
芭蕉嘗云酒酣聽之有漁陽三搥意先君頗
喜吟咏每醉詩成即縱筆揮之俱有佳態比
至霜降時不堪書而葉殆遍矣先君逝後猶
大暢茂其葉有縱九尺橫三尺者且歲復結
花中含甘露每吸之覺肺腑清冷但恨其不
能自駐顏色耳

滴滴琅瑯鶴怯眠雙飛青鳳帶寒烟仙癯想入金莖

露○近○日○移○家○小○綠○天○

桃杏

唄餘亭之前先君植桃杏數株間以春紫荆
三本每花時四望若海日纔升朝霞初結暨
乙丑歲紀予明師復助余築小蘇堤種絳者
深紅者淡白者凡十餘樹花時益加馥郁矣
朦朧月底杏花香點出桃源一逕長洞裡春光三萬
樹年年消受小漁郎

雪夜有懷

辛酉冬與友人白戰終三十律

虛白寒侵過絳紗却疑冷月下平沙扶頭醒酒香殘
後白戰詩分第六麻

上元燈下

簫鼓沉沉夜未央九華影裡阿安香蓬山不是人間
路今日纔知客路長

歸來咏家園木芍藥

十年孟浪客天涯幾負春風第一花七寶玉闌重簡

作者集
上卷
點清平何事惱楊家

小園紫牡丹開偶成

初晴朝雨紫。爛爛江左無雙金帶環。若向上林爭坐。席叨陪香案。絳霄班。

其二

醞媚胎香濕未乾。東風按就紫茸團。兒家悞買燕脂。畫也得君王帶笑看。

元夜宿休菴聽雨

火樹銀花徹夜輝。酒痕狼藉雨聲微。暗中簡點人間事。取次東風又一回。

送友

朱亭碧酒樹氤氳。惆悵臨風一送君。莫遣歸來對花落。啼鶯老盡嘆離羣。

月夜遊杏花下

曲江新浪浸紅霞。開遍慈恩處處花。醉卧月明春落魄。香魂片片繡宮紗。

夜泊烏江

四面山圍古戰場。將軍到此是天亡。虞兮奈若何。須恨請看他家張辟疆。

囑蝶

輕紅已盡綠痕肥。花事西隣大半非。欲覓生香憐竝蒂。移春檻裡好雙飛。

還畊

青艸茫茫水遶籬。白鷗白鷺下江籬。朝來一霎風和雨。萬柳參差鶯亂啼。

輓八先生高景逸先生攀龍無錫人投水死

霜寒孤月炤嚴城。簡點忠魂淚滿纓。一曲離騷不堪似。九泉應恐各吞聲。

楊大洪先生漣應山人左都御史杖死

瀟湘淺碧石離離。猿嘯千巖腸斷時。每到春深對花發。血痕吹上杜鵑枝。

左蒼與先生光斗桐城人左僉都與大洪同死

休者集 卷一
慘淡風沙欲暮天。松楸瑟瑟起寒烟。英魂不逐秋風散。孤月高懸銀漢邊。

周蓼洲先生。順昌吳縣人。文選郎。杖死。伍胥祠前。水平沙。始蘇城頭。啼暮鴉。暮鴉飛盡水。滑。滑。使君不見空咨嗟。

繆西溪先生。昌期江陰人。諭德。逮死。

草就彈章鬼魅驚。山河正氣屬先生。須知一死男兒事。萬頃寒潭徹底清。

周來如先生。宗建吳江人。光祿卿。逮死。

床頭三尺玉芙蓉。鐵骨嶙嶙氣作龍。節義文章何處是。黨人碑上訪遺踪。

黃白安先生。尊素餘姚人。御史。逮死。

寒山一丘清于玉。黃鳥歌殘身莫贖。九原若遇溫子昇。爲儂翻作招寬曲。

李仲達先生。應昇江陰人。御史。逮死。

十年氣節挾風霜。生死關頭恁主張。一自身遭甘露

禍清流千載骨猶香

萬元白先生燦新建人
工部郎叅忠賢遲悞陵
工諸疏忠賢矯旨廷杖一百不死逆拖數匝氣
猶未絕引錐刺心

南州高士舊知名為報君恩一死輕
說到剖心藏碧處啼猿為我亦無聲

送客之白門

勞勞亭畔馬蹄輕
桃葉渡頭新浪生
若向長干讀書處
開窓為我理殘經

寄客

柴門靜掩寂無譁
病裡生憎客到家
他日若能憐戴笠
莫教車馬破煙霞

牧豎

夜雨初過遠夢回
兒童吹笛唱歌來
休教踏死芙蓉艸
留得秋風並蒂開

小青

空堦細雨樹淒淒。冷翠寒鈿照舊幃。湖上春深六橋月。煙籠杏子嫁時衣。

輓沈君烈

楚些招魂招不來。西州門外篋聲哀。一從仙子修文去。上帝原知最愛才。

其二

四大終須有散場。虛空燒却綵毫光。北邙原是英雄路。不必臨風賦悼亡。

其三

婁江江水千尺深。婁江江月空沉沉。千秋江水千秋月。盡是千秋未死心。

其四

金石空留身後名。一乘箕尾彩雲輕。芙蓉城裡經行處。應會當年石曼卿。

春情

猩紅初是散香霞。倒影遙臨碧澗斜。春滿河陽嬌欲

醉斷腸今夜宿誰家

其二

驄馬金鞍白玉韉尋芳載酒落花前幾番錯認歸來路笑指高樓紅杏邊

夢人

梧桐疎雨漏聲長被減流黃衣褪香若問北來憔悴意相思不爲畫眉郎

有夢

五更風雨布衾單分得梅花獨自寒一尺斷腸撐不住暗隨孤鴈度江干

穀旦夜坐遲客

沉香火底坐吹笙一飲瓊漿百感生今日風光君不見高高孤月照長城

春日書懷

一年花事一番新載酒徵歌處處春忙殺舊時雙燕子也移營壘過西隣

聽子規憶亡女

三月江南萬木菲，謾勞啼血欲沾衣。
可憐不見遼東鶴，一歲花開一度歸。

午日與客小酌憶往

曾共江頭看画船，狂歌捉酒鬪雲煙。
憑君酪酊莫相憶，昨日分離十二年。

聞鴈

吳江烟雨記相逢，歲月匆匆醉夢中。
不道經年垂死意，開尊重與故人同。

夢友

溪上新涼帶藕香，晴烟淡淡荇花黃。
常時夢到秦淮水，簫鼓紅船醉夕陽。

除夕前一日立春送友

苦海風波泛鏡船，春來人去總淒然。
情知一夜無多晌，正恐明朝認去年。

哀柳

瘦影絲絲不耐春。年年孤館對離津。生憎命似楊花，
薄化作梨雲。夢裡身。

其二

曾經朝雨浥輕塵。青眼窺人不勝春。愁殺隋堤三月，
暮楊花撲面更無人。

春思

滿樹繁花匝地烟。離亭一榻草芊芊。分明記得還疑，
夢不上粧樓十七年。

聽子規

纔過寒食一百六。正是清明三月三。為惜故人憔悴，
盡和烟和月到江南。

送春

三月欲盡天昏昏。子規孤啼烟外村。送春歸兮歸不，
得遺我萬點相思痕。

迎春

紅亭別酒醉江烟。淡月孤村叫杜鵑。莫遣黃昏容易，

休○補○集○
盡○只○爭○一○刻○又○明○年○

初夏即事

琅玕解籜柳綿飛○燕子翻風試舞衣○
曲曲雕闌閃倚○遍綠陰深鎖小鶯啼○

其二

安石榴開炤碧苔○暖風庭院白螺杯○
香痕莫謾飄紅○泪我欲粧成玉鏡臺○

其三

醉唱吳歌卧石床○萬花堆裡暗聳音○
桃源不是人間○路莫放紅塵一綫長○

虛堂

虛堂寂寂布衾單○雨滴梧桐淚未乾○
地潤天長歸夢○斷謾言此處是鄉關○

其二

斷夢驚風雜鴈行○殘燈炤雨濕銀床○
啼愁不奈寒蟬○急四壁秋聲困沈郎○

哭蘭

紅塵那得好因緣○斷却凡根卽是仙○玉折不須雙淚落○真香能有幾人憐○

送春

盡典春衣酒十千○醉和春色一宵眠○紅亭路出江南陌○處處烟村叫杜鵑○

其二

年年此路送君歸○瘦盡蘼蕪柳絮飛○四十年来花與淚○一痕一滴壑要離○

侍老母感舊

泠泠白露乳鴉啼○紅粉高樓對隴西○望斷暮雲天際合○有人砧杵淚零時○

花影

疎枝密蕊舞僂僂○照水含啼清可憐○莫遣相思愁日暮○月明依舊帶輕烟○

其二

曾向青鸞鏡裏看粧成。竝蒂倚闌干。香奩一閉，相擔閣，分得空階獨自寒。

其三

風到曲闌翻舞袖。月臨池水照啼痕。青苔砌滿無人跡。都是亭亭倩女魂。

其四

濯魄冰壺露氣清。研羅衣上見分明。王孫輕薄紅顏妬。且種香輪不了情。

其五

粉魄香魂色易消。風流自愛自臨描。他年不盡相思意。只在秦淮朱雀橋。

農歌

平疇雨足稻花香。處處歌聲唱夕陽。隣叟偶逢話風土。千畦綠浪已深黃。

漁唱

菰蒲沙渚蓼花灘。一醉橫眠明月寒。歌罷滄浪天地

潤五湖只在釣魚竿

講堂

恠石竒花三徑開。爲尋佳句坐春苔。奚囊字字西來意。嗅着寒香不是梅。

野渡

桃花帶雨送歸潮。楊柳溪頭舊板橋。記得維揚明月夜。玉人從此教吹簫。

晚眺

隔水橫山列翠屏。清溪流過綠莎汀。凭欄極目長安遠。返照飛來雨後青。

春煙

江天春暖野花紅。夾水人家楊柳風。晴日淡烟拚一醉。踏歌歸向月明中。

立春雨

牡丹芽子迸硃砂。滿地苔痕轉綠華。九十只消今日雨。晴明一直到看花。

嘯花

嘯花休發合歡枝。枝上花痕，
淚作絲。暗數花期，愁欲死。
相思都在落花時。

其二

嘯花把酒再三斟。莫遣飛紅，
泣綠陰。念爾枝頭，雙蛺蝶，
可憐猶有故人心。

其三

嘯花花外子規啼。處處園林，
綠漸肥。收取落紅三萬

斛。和香和泪，
堊明妃。

爐灰

寒爐撥盡朔風悲。煖氣潛消，
淚暗垂。饒取世人齊下，
溺。知君終有再然時。

燭灰

金龍欲盡玉蟲高。猶向朱樓，
照寂寥。底事風前獨垂，
淚。丹心自許未全消。

劫灰

何者集
卷一
劫盡虛空烈焰燒山河大地一鴻毛那知輪到文章
劫一劫千燒總不消

香灰

古鼎斑斑裊篆烟自拈沉水供金仙憐君魄化形銷
後猶有餘香徹九天

塵灰

野馬紛爭幾日休土花十載暗吳鉤自從失脚娑婆
世綠瘡黃沙又白頭

喜雨謠

西風掣電墨雲飛雨足平疇草亦肥勸取江南輸好
粟○聖○人○親○自○復○遼○西○

送客用友人韻

秣馬脂車天未曙一痕月挂梧桐樹今宵殘夢若歸
來認取牡丹亭上路

其二

潮平月落江天曙幾褶征帆挂烟樹我歸無復說相

何者集 一卷
思珊瑚枕上秦淮路

思紫簫

湯臨川作紫簫未竟而盛行海內厥後爲呂
玉繩顛倒攬定刪抹者十之七僅存者不過
數折改名曰紫釵追思原本向坊間尋索杳
不可得傷哉先生字字檀痕落此溷廁千載
而下誰復知音予因漫成以毀美人之思

萬斤檀痕萬斛春鴛鴦會上可超輪無端却被黃蘂

鬼魔殺風流第一人

哭春

十里湖山十里堤柳條吹綻鬱金衣朱門今夜春無
主蘇小墳頭日又西

哭牡丹

雕闌曲曲護紅芽百蝶流蘇杏子紗莫把沉香亭上
泪年年澆出斷腸花

七夕前一日寄友

銀河高捲畫樓西。兒女爭穿乞巧絲。碧海青天望明月。一痕初挂紫薇枝。

寄楚客

郵筒千里寄龍紋。湘水吳山兩地分。我有頭顱猶未白。不知誰是信陵君。

送友

病裡逢君秋月寒。芙蓉夾岸蓼花乾。西風妬殺關山笛。處處都吹行路難。

其二

飄零酒社劍龍消。一尺孤帆帶暮潮。我自淚零君自去。寒螿唧唧樹蕭蕭。

坐蘧亭有憶

月到梧桐酒半醒。海棠花下草蟲鳴。雙魚欲寄長相憶。都是陽關渭水聲。

董文若自西岷攜來端石一拳予重有存沒之

感因賦

烟籠鵲鴒金星眼月照鴛鴦血泪痕一自望夫身化
後可憐誰與賦招寬

秋村

蹲鴟老黃鴛雪白牛羊墉上歸來黑蘧亭客子獨蕭
條醉唱吳歌書露葉

其二

蓼花灘頭鴈一隻千聲萬聲何急急誰家如許錦鴛
鴦飛向芙蓉花下集

其三

紅葉黃葉何繽紛暮鴉飛盡餘寒雲泪痕滴滴都成
血澆盡從前倩女坟

其四

隻眼不見天地黑寒鴉繞林聲活活明朝重九又西
風爛醉一亭霜月白

其五

籬菊花開豆莢肥榆關昨夜蚤霜飛親年七十衰無

力猶對西風補衲衣

臘月八日懷人

風雪柴門小院深、梅花帳暖暗香侵、自憐不及雙青鳥、夢裡猶能寄好音、

立春

階前芍藥欲破苔、枝上絳桃初含胎、皦皦暖日百舌叫、白梅花間紅梅開、

哭牡丹

何處能招杜麗娘、紅衣零亂紫金床、三山十島如相許、盡種還魂聚窟香、

布穀

布穀李青蓮、以爲撥穀、爾雅以爲鳴鳩、郭景純以爲伯勞、又以爲博勞、又以爲啼鴟、羅愿以爲江東呼爲郭公、鄉民遂呼爲郭公、郭婆、又呼爲各家插禾、是皆因聲之相似、故互呼之耳、其實卽古所謂催畊鳥也、

我○已○無○田○可○插○禾○憐○君○特○地○遠○相○過○畊○奴○久○已○皆○奚○
落○不○及○江○東○舊○郭○婆○

夏日送猶子偉生渡江

荷葉初開菡萏花、湖山水閣曲闌斜、明朝莫望江南
路、一丘青山帶落霞、

其二

旗亭沽酒理征衣、楊子江頭第七磯、顛顛送君顛顛
死、相思記取鴈南飛、

憶猶子偉生

有引

偉生侄、今年卒業休菴、爲家計所累、遂持一
片青氈、渡江北去、余病無那、益復淒其、因念
白舍人尚有侄名龜、可以托衣鉢、予有一侄
而又東西、各天哀哉、命也、爰賦短歌、
江流漠漠水潺潺、生計蕭條去任難、垂死病中千古
淚、清宵爲爾濕刀環、

其二

匡山風雨記連床萬卷奇書一
斤香爾自無緣儂命薄亂蟬
咽咽又斜陽

村居

木槿爲牆柳作扉亂蛙聒聒
亂螢飛六年前坐乘涼
處蔓草青青刺挂衣

殺鴨偈

牢籠爭食苦無休何似忘機
化海鷗指爾超輪西去
路無生只在大刀頭

禽言詩

姑惡姑惡聲何苦黃昏五更
朝復暮當初是爾錯投
胎何不化作吾家婦

其二

掘窟掘窟呼轂轆催人日月
何促促爾如念我毋共
兇他年取次收殘骨

其三

姊歸姊歸姊不歸黃陵廟前
烟霏微我家女兒年十

七泉臺一閉留空幃

其四

泥滑泥滑泥滑滑行人一步一嘆息嗟爾遠道何爲
乎太行九折平明發

其五

提壺提壺提空壺爾今無錢將安沽長河流水清且
美一點一滴皆醍醐

蟲言詩

促織促織何急急秋宵不寐闌干濕開箱驗取嫁時
衣一半成灰穿不得

其二

似我似我聲淒其千呼萬呼無間期喉間若得有暖
氣一切皆是親生兒

其三

枝螻枝螻鳴咽咽齊后化來三千年餐風吸露乘高
節螳螂殺之天平天

寒。彌。寒。號。天。復。雪。得。過。且。過。過。不。得。縱。然。僵。死。骨。如
冰。摸。着。心。頭。猶。帶。熱。

其五

壺。蜂。壺。蜂。懸。中。除。行。人。到。此。皆。次。且。可。憐。我。母。年。七
十。爾。尚。螫。之。心。忍。乎。

閨怨

徹。曉。秋。聲。夢。不。成。梧。桐。冷。月。隔。簾。明。遼。陽。今。夜。天。如。

水。人。在。盧。龍。第。幾。城。

寶桂堂聽雨

傷。心。無。奈。桂。花。秋。人。自。蕭。條。水。自。流。一。夜。雨。聲。雙。鬢
白。不。須。還。上。仲。宣。樓。

偕董文若宿寶桂堂初聞鴈

鴈。聲。初。過。小。樓。前。桂。子。花。開。月。正。圓。記。得。六。年。花。上
月。人。非。物。是。總。悽。然。

九。日。前。用。杜。少。陵。叢。菊。兩。開。他。日。淚。句。

伊補集 卷一
叢菊兩開他日淚孤鴻又叫去年秋傷心不盡西風
恨流到烏江古渡頭

其二

叢菊兩開他日淚七年不上仲宣樓明朝攜酒獨自
醉莫聽白楊風颼颼

仍用前語柬寄董文若

叢菊兩開他日淚青山又送夕陽鐘明年若問登高
客知在寒烟黃葉中

休菴

床頭新熟紫葡萄鹽菜香寒脆欲消自抱琵琶翻樂
府道宮譜出鬱輪袍

步月

西風敗葉正蕭蕭門對寒流舊板橋三十年来塵土
跡青天碧海月輪高

與客西窓剪燭

蕭蕭風雨一燈青十載羈愁不可聽今夜尊前擗現

在高歌一曲牡丹亭

孤芳天畀我月餘高

西風怨葉五簾滿四樓寒

秋聲

秋聲宮新出夢餘

秋風怨葉五簾滿四樓寒

休菴前集終

卷之四